

M222: Uppsalaer Sündenklage

1,1 ich versachen deme tiuvele alles sînes willen ane mir .
1,2 hêrre trehtîn ich bekenne mich dir .
1,3 unde dîner heiliger muoter .
1,4 unde allen dînen trûten .
1,5 aller der sûnticlîcher tæte .
1,6 di ich mit werken oder mit ræten .
1,7 ie in werlte gevrumete .
1,8 sint ich sünde gehügete .

2,1 ich geben mich an des almehtigen gotes gewalt .
2,2 wande mîne sünden sint sô manicvalt .
2,3 daz ich si alle niht ne mac genennen .
2,4 ich sûntic mennische ich bekenne .
2,5 manslaht unde roubes .
2,6 mordes unde zoberes .
2,7 aller slahten huores .
2,8 werltlîches ruomes .
2,9 maniger meineide .
2,10 ich hân mich verwarht leider .
2,11 mit âbunste unde mit nîde .
2,12 mit hazze unde mit gireden .
2,13 ane übertranke . unde ane überâze .
2,14 ich ne wolde des niet lâzen
2,15 des ich ze übele gedâhte .
2,16 êr ich iz mit werken volbræhte .

3,1 ich ne wart mînen ebenkristenen nie sô holt .
3,2 sô ich von rehte solte .
3,3 mînen vater . mîner muoter .
3,4 mînen swesteren mînen bruoderen .
3,5 unde anderme mîneme geslehte
3,6 al ich solte von rehte .

4,1 ich hân verbrochen vîren unde vasten .
4,2 ich [...] [...] daz ich [...]
4,3 [...] ne gesuohte .
4,4 noch umbe sîn dienst ne ruohte .
4,5 sô ich von rehte solte tuon .

- 4,6 ich gap mîn almuosene in ruom .
4,7 unde hân mich versûmet daz ist mir leit .
4,8 daz ich der heiligen kristenheit .
4,9 beide lebenden unde tôten .
4,10 ne bescheinete nie necheine güete .
4,11 mit almuosene unde mit gebete .
4,12 daz klâ ich deme himelischen gote .
- 5,1 ich bekennen mich an der stunte .
5,2 daz ich niene geruohte mîner sünden .
5,3 mit solichen riuwen . noch mit solichen vorhten .
5,4 sô ich wære dürftic .
5,5 ich was ie zuo alleme übele gare .
5,6 ich entvienc nie buoze noch harmschare .
5,7 sô grôze noch sô swære .
5,8 sô mîne meintæte wæren .
- 6,1 der mâze rehte .
6,2 die mir mîn êwarten tâten .
6,3 di ne behielt ich mit gehôrsame nie .
6,4 des bekennen ich mich gote hier .
6,5 die mir hânt gedienet .
6,6 den hân ich ungelônnet .
6,7 die mîner herbergen gerten .
6,8 vile selten ich di werte .
6,9 ich ne liez mich nie erbarmen .
6,10 di siechen noch di armen .
- 7,1 ich hân mînen zehenten ungegeben
7,2 unreht was ie mîn leben .
7,3 leider in allen enden .
7,4 di dâ in karkære oder in benden .
7,5 oder in anderen steten –[...]